

印

竹

杖

自弁

遊豈易言哉。穀統公子。飾冠劔。
陽翟賈。巨觚高駝。縉紳先生。命。
儔接竿。亡之而非遊者。而遠韻。
閒情。縑流羽士。得十之二。文人。
自謂以全力收之。物我異觀。更。

相笑耳。夫情不自發。觸機而勃。機難卒遣。緣事而成。寤言一室。緬想百世。與千萬里之梯航。聽覩均約。其龠於蛛絲杳渺中。窮極神變。雖善狀者。銖兩差移。不知凡幾。而况哀思亡端。繁憂傷。

人不得已之山。容水色一往。泠然耶較此。則選勝徵歌。綺羅香澤。願指足高輦。真樗以不才得。其天矣。是集起彭蠡。終台岩吐。辭送意微。乖阿尚。麥麴芎藭。喻指居多。詩不云乎。心之憂矣。我

歌且謠。後之覽者。將毋謂余爲
漆室駢拇可也。吉水施男

叩竹杖

目次

宮亭湖

女兒港

桑落洲

羅刹磯

名紙

鬚絲

范蘿山

石虎凶淫

西梁夜泊

後秣陵詞

九日

飲丁家庄

牝朝

豎獸

題壁

知非堂集

東寺楸

天城湖

初度

小除

乙未上日

王冕

彭五郎

鄒忠介

天問圖

和陳

赭山

禮塔

秦淮

皂角林

甕社湖

白田

厚地述荅

廣陵

七夕

蜀岡

張崑承

北固樓

錫泉

海虞宗伯

嚴灘

來諫垣

山陰汎舟

天台

武肅世家

雁宕

東越雜咏

西子湖

胥山

吳榜錄

返南湖

印竹樓

目次

卷之四

甯影堂

叩竹杖

吉水施男偉長著

新建徐世溥巨源閱

宮亭湖

十一日戊戌泊鄒亭廟鄒當作宮爾雅大山曰宮匡廬高二千三百六十丈障廻其渚湖名之所繇興也張曲江彭蠡詩廬山直陽潁孤石當陰術世傳其神爲青洪君能分風南北借資行

舫怒濤驚霰。溯洄噴噉。仰睇清旻。素烟紫帶。縈
岫棲巒。真目蕩心怡。情不暇周。過此而藉口神
貺。颿帆一息。寧不負茲滄滄者波耶。成五言古
一首。落日隱高岑。孤帆遵渚度。停橈襲晚涼。匿
情恣馳騖。驚浪駭奔雷。魚龍挾蛟怒。濤起濺赤
甕。沙際如吹霧。返照射方紅。停雲遙相妒。嵐淨
匝山腰。光錯藹垂鋪。靈祠羶饗陳。分風祈前步。
總無江海心。俯看愧鷗鷺。安得十日淹。洗盞遲

蟾兔

女兒港

女兒港源出匡廬。秋潦夏霖。百川時至。避湖險者。檣櫓比焉。山石蔥蒨。流澌澄徹。距湖心大孤不遙。而鞋山又屹立金沙洲東。孤訛爲姑浦。緣以名。余停舟信宿。欲作一詩代爲洗發。因憶天順中。余鄉督學使者過此。手曾子棨先生集。睫集讀之一長年。見而問曰。讀何書。使者呵之。長年曰。是永豐曾學士集耶。余少時曾載之來此。

記其一首。卽朗吟云。彭蠡湖邊女兒港。秋水未
乾。湖水長。女兒一去幾經秋。時有行人來繫舟。
岸柳汀花溼紅翠。柳似顰眉花濺淚。茅屋參差
石徑斜。港口人烟凡幾家。當初知是誰家女。後
來嫁作誰家婦。嫁時湖上墮弓鞋。至今尚想凌
波步。我欲回頭問小姑。小姑迢迢隔重湖。我欲
從前大姑問。大姑脉脉疑新恨。紅顏薄命真堪
惜。女兒名姓無人識。年來湖水春。空使行

人弔陳迹。君不見古來多少大丈夫。老死湖山
名亦無。似此風雅。而巢睫集不載。何也。使者之
雅量。故不可及。余并愧此長年矣。附識于此十
五日。

邛竹杖

卷之四

留髯堂

桑落洲

十七日發彭澤，怪雨盲風，篙師戒心，馬當迴檣，南指及桑落洲，維焉。洲界潯陽宿松間，尻承鄂渚，流總九派，典午中盧循反，劉毅仗鉞往征，發自姑孰，循時欲先寇江陵，有謂之曰：「毅兵重，空并力攻之，若克建康，荆南可傳檄下，從之。」戰于桑落洲，毅果大敗，覆沒甚衆，莽劣如循，猶群策之，兼若此。何後之坐困斗大者，曾循智之不等。

也。篷窗。淒其。白鳥。匿群。解衣。磅礴。篝燈。書此。白。
過江南。雨。狂。分岸。北。濤。篝燈。悲往事。遺鏃。想前。
勞。伐鼓。徒遵渚。開籠。自縛。縑。爲嗟。民力。盡。容易。
着征袍。

羅刹磯

出李陽河爲羅刹磯，斬絕峭削，孤橫江表，晉周
湛役丁夫三十萬鑿其流爲新河以避險處也。
俗呼爲哪咤磯，又尋轉哪咤而耑稱太子，臆懾
焚燎，遙望肅穆而建文中黃侍中觀徵兵過此，
聞金川變疾赴急湍，不少縮，靈如馮，依饗祀豐
潔，不幾爲若敖之續乎？詩以弔之。涼飈驅宿暑，
振舵指江湍，奔洪疑倒瀉，注坡漲百竿，觸石紛

淪溺膚粟支踝看矯矯侍中節恬此水國寬
揀衣同鶻落下視何巒岈周粟非可擬大義擇所
安盪楫橫纏賈籠薰簇鼎盤亦有惠文使金碧
寫毫端悠悠更千載逝波射月寒忠魂如敵笥
長夜竟漫漫十九日

名紙

念二抵鳩茲，僦寓鄭家樓。市米束薪，倒橐傾囊，
億矣七晝夜，頭岑岑然，足不階梯。主人諭余貧
也，曰：西鄰某者，固水曹掾，頗好客，胡不造焉？童
子亦懷刺以待，余哂之曰：曩在廣右時，肯踟蹰
膜拜，善事貴人，則亡之而不可者，乃欲向此，僉
求活耶？亡因而熱，日百拜何益？因探刺爲書其
側，嶺外千岑盡，菰蘆此寄身。分燈敲石火，市水

煮溪尊。鎮日誰投轄。何人望指囷。縣知高卧好，
肯爲爾逡巡。正是秋醕後，胡爲獨苦饑。間開幾
緇屣。孤劒一戎衣。莫厭天涯薄。還嗟生事微。迴
看雙語燕。相念亦忘歸。廿九日。

髻絲

八月六日薙髮得素絲一于髻左事何足道然
化玄而白始基于此人質脆萎朕兆先矣大智
度論五通仙人得好寶秘之石中磨金剛塗其
外令不破金剛能破一切不受一切破者今云
磨以塗之則磨金剛者何物浣花翁髮短何勞
白顏衰肯再紅香山居士醉貌如霜葉雖紅不
是春悼時傷邁古今一轍昭烈所以臨厠而屑

涕也得四絕。秋草玄霜計月推。如雲鬢髮亦奚
爲。天工不是亡情者。故遣一莖着髭絲。愛着仙
家五銖裳。蓬萊清淺閨人忙。如今剩得玄絲變
坐泣滄桑。淚幾行。學道亡成事已非。褰裳猶是
老鶉衣。恒河水遶流如舊。羞向瞿曇問箭機。四
十衰顏非所惜。馬頭幾度着征衣。兒童彈指應
相笑。家在清湘猶未歸。

范蘿山

初九日陰靈衝飈颭颭。桐葉如掃。紙窗屈戍響
中管匏。暑退涼生。差免襍穢之嫩。乃步自吉祥
寺沿徑西陟。得范蘿山。培塿杯壤耳。平眺大江。
千帆淼淼。迤北諸山。變現隨呈。扼要居勝。誠塵
鞅馬糞中一則清涼散也。山猶如此。人不可以
慎所託哉。成十咏。重陰匿朝曦。積風生大壑。射
窗學簣響。桐葉紛且落。遵途避喧囂。弱步欣微

託屑甕聳耀靈。清梵噓寥廓。跋娑猥前轉。駢岡
鬱回薄。俯瞰大江流。灝漾迷廣莫。狂飈夾螭舞。
老樹無堅擇。茲山非截嶽。遠合臣廬霍。結根在
道旁。標峻彌景爍。君子慎所修。孤懷殊不忤。

石虎凶淫

五代史荒淫殘殺。土木遊畋。亡踰石虎父子。彼不過十州之地。真有呂政楊廣所不可及者。余姑爲節錄其文。趙王虎作大武殿于襄國。作東西宮于鄴。以漆灌瓦。金璫銀楹。珠簾玉壁。上施白玉床。流蘇帳。爲金蓮花以冠帳頂。又作九殿于顯陽殿後。教宮人占星氣。馬步射。置女太史及襍伎工巧。與外同。以女伎千人供鹵簿。綸

巾錦袴金銀纓帶遊宴自隨時大旱金一升值
粟二斗又發諸州二十萬人修洛陽宮增置女
官二十四等東宮十二等公侯七十餘國皆九
等郡縣務求美色以獻其殺夫及夫自殺者三
千餘人虎臨軒簡第以使者爲能封侯者十二
人又發近郡男女十六萬車十萬乘運土築華
林苑及長墻于鄴北促張群然燭夜作暴風大
雨死者數萬人徙洛陽鐘簴九龍翁仲銅駝飛

廉于鄴載以車輪纏網鐘没于河募浮没三百人入河繫以竹絙用牛百頭輓轡引之乃出又于漳河投石作飛橋功費數千萬億竟不成虎好獵晚歲體重不能跨馬乃造獵車千乘刻期較獵置獵場使御史監之禽獸有犯者罪大辟民有美女佳牛馬御史求之不得悉誣以犯獸論死者百餘人次子宣尤好獵聚人爲長圍四面各百里至暮驅異獸集其中使文武跪立重

行圍守。炬火如晝。命勁騎百餘馳射。宣與姬妾乘輦臨觀。獸或迸逸。當守者有爵。奪馬步驅一日。無爵鞭之一百。士卒饑凍死者萬有餘人。郡國前後送蒼麟十六。白鹿七。虎命司虞張昌柱調之以駕芝蓋。太子邃益殘淫嗜殺。好粧飾美姬。斬其首洗血置盤上。傳觀烹其肉與賓客共食。後謀弑虎乃殺邃及其妃張氏并男女二十六人同埋一棺。誅其宮臣支黨二百餘人。聚斂

金帛府庫充仞。猶貪殘不足。發前代陵墓。取其
金寶。宣嘗出獵。乘大輅。羽葆華蓋。建天子旌旗。
虎升凌霄。觀望之。笑曰。我家父子如是。自非天
崩地陷。當復何愁。曾幾何時。而冉閔禍發。蕭牆
矣。使虎不爲此。亦終必亡。余獨怪參代河洛周
漢餘墟之民。牢牲不若也。詩曰。金行尚陰謀。腊
毒發肱肘。龍蛇起大陸。鰲莫絕坤紐。因之聰與
勒。黃屋稱元后。石虎彌凶淫。疏爵選群醜。萬騎

獵漳南。置官曰監守臺殿。然炬築漆瓦。光如黝。
女史列職名。半奪哲人婦。鹵簿駕蒼麟。三千耀
雲母。子宣益狂騃。臨暮聚奇獸。公侯驅作圍。夜
火恣馳蹂。子邃本梟成。視人等敝帚。飾姬傳首
觀。日啖不適口。念此數州民。盡是羲農後。天地
胡不仁。棄之同芻狗。留覽獨傷心。將髭淚盈斗。
典午雖銷沉。負慝良難剖。十二日。

西梁夜泊

十五日雨食頃稍霽輕舸白門索莫亡聊晚泊
梁山太白所謂天險之地無德匪親兩岸青山
相對出孤帆一片日邊來者也瓜餅今宵骨肉
南北卧念淒然澹月微涼夜輕風落晚橈瓦燈
隨俗見蓼火隔原燒戍古齊梁舊江深楚蜀遙
孤光清未了愁絕是今宵

後秣陵詞

九月六日返鳩茲。長干二句踣涼殊甚。饑腸吻
吻。橫面莫語得。鄧元昭簡討白鐐八鋌解維計。
步履所探。阡陌無定。其詩八首。題曰後秣陵詞。
稱後者。自乙至甲。年踰十稔。乙構于前。甲自不
得不遜後耳。江東橋身僧漁郎帝五通。千帆遙
指大江東。老康連呼無人諾。鐵石經營一宿中。
朝天宮。層檐返宇接丹楹。聞是六朝晉冶城。天

子萬年當座立。祝釐依舊走公卿。通濟門洩水。
穿渠石作墩。貔貅十萬隱雲屯。新填院本方承。
旨。白馬青衫來至尊。雞鳴山矯矯分茅十亂臣。
五牢加鼎薦明禋。如今冷澹餘衰草。日莫顏梁。
炤古塵。玄武湖微波潏灩一泓澄。十庫晴開仰。
日稜。片楮加珍時遣護。擔頭挑得計斤稱。龍江。
驛聖主鑾輿此禡牙。隼旗曾遶砌前沙。遐荒傳。
得君恩遠近說風和。似永嘉。廬龍山閱江北望。

水淪漣樓上親裁御製篇。記得黃旗先後掩。至
今流淚說青田。靈谷寺江村返照送餘曛。老樹
槎枒盡落斤。涓潔還馮功德水。夜深長自禮殷
勤。

叩竹杖

卷之四

留髡堂

九日

夢日亭。晉處仲營屯也。甲午九日。羣賢陞臨。晚
赴林玉樹飲。用杜牧之菊花須插滿頭歸爲韻。
余與赤豹吉生。旣謝龍山之招。難同兔園之賦。
逸興嘉事。勉綴符婁。各次如左。廣安王子荆霜。
葉紅如火。馮高聊極目。秋潭炤影微。莫色生寒。
獨。席帽十年瓊。深尊千里菊。宕渠歸路賒。戢羽。
對原陸。都城史赤豹。風烟隨客夢。秋意到黃花。

展齒唐亭遍。葛巾酒國賒。龍堆思故里。馬射憶
天家。賸有霜毛在。蕭蕭感物華。無錫秦吉生。九
日悲行邁。先寒到客襦。離亭歸正晚。高閣狎方
愉。那解公榮對。還同彥國呼。梁溪猶未棹。藉草
穩夫須。鳩茲羅繡銘。商飈衰颯早。裋短衣無袂。
芒屨霜初經。糟槽酒正壓。枌榆舊社遙。雞犬新
豐洽。晚節寒花誰。歸與莫待揅。秋浦丁介芝。羈
心託桂樹。放誕無絲管。九子數峯青。七賢易地

欸擊壺歌老瞞。運甓追陶侃。同是惜韶陰。何嫌
痛飲滿。三韓林玉樹。襄平寒谷煖。何事寄南州。
世法勞鶯舌。浮生語核舟。茱萸聊解佩。芍藥重
增酬。誰是萬年帽。秋風得到頭。三韓林玉振。典
午休名在。寧因處仲留。寒烟猶古色。落木自荒
丘。節序頻催早。天涯一笑酬。風塵同去住。還憶
大刀頭。上谷胡竺人。何地并州是。故鄉卽此歸。
同人聊競俗。佳節暫乘暉。興遠隨筇盡。情荒待

竿揮絳紗猶繫臂。一枕入詩微。安成康小范浪
說登山易感時。卽念歸雙麻南北遍。一卷古今
微道在人爲世思。窮天亦機于湖寒色莫。吾黨
自依依。

飲丁家庄

廿日沈惕菴招飲丁家庄。在坐則安成康小范。
皖桐錢幼光。殿末則余缶菴及其仲天士。飲滿
耳熱。步自西湖埂。穿吉祥禪院而歸。時蟾兔東
明。湖光西漾。梵唄嘹嫋。清絕肝脾。成排律十韻。
嘉會敦心侶。清觴罷舞筵。花枝方亞陰。晷影尚
中天。登座存真率。馮肱破曲拳。橫陳殫陸海。雜
錯理梧棬。暝色催人急。燭光炤客還。重留分縞

帶選勝敵觥船。驚峽瀾詞倒。探瓊豎髮鬢。停郊
情繾綣。曳履月嬋娟。湖水經霜老。梵聲入莫圓。
行行頻戟首。安得思如泉。

牝朝

唐史舊章載天后時太平公主引昌宗入侍宗
復薦易之器用過臣俱承辟陽之寵石補闕朱
敬則諫曰臣聞志不可滿樂不可極嗜欲之情
愚智皆同惟賢者能節之不使過度則前聖格
言也陛下內寵已有薛懷義張易之昌宗固應
足矣近聞尚食奉御柳模自言子良賓潔白美
鬚眉左監門衛長史侯祥自云陽道壯偉過于

薛懷義專欲自進。堪充宸內供奉。無禮無義。溢于朝聽。臣愚職在諫諍。不敢不奏。則天勞之曰。非卿直言。朕不知此。賜綵百匹。宋陸游云。父子兄弟君臣。薦進獻納如此。真可謂之穢史。余友劉無文見而哂之曰。放翁遽不使牝壘有后耶。女謁旣盛。男寵益彰。審食其之于呂雉。綠幘青鞵之竟稱主人。面首三十之日。伺何戢左右。皆先壘而興者。若楊白花。胡鬼。卑卑不足道。余怪

其辯而肆。以今觀之。震旦之大。奇奇怪怪。何在
烏有。中宗之親侍傳籌。順帝之西番演媒。曾寄
猥之不若。又非雉堞輩之所屑矣。驟附二絕。錯
繡山河一望中。端主豈盡是髯翁。纓弁學得勝
常。拜夜半承恩入帝宮。天運潛移玉斗杓。輪將
鬚鬢學宮腰。惟餘博塞輪裘者。曾憶當陽是牝
朝。廿六日。

豎獸

管子曰鵲食蜩蜩食鷦鷯鷦鷯食駮駮食虎以
氣以力妙不等倫究其至弱肉強食徒虛語耳
豎獸則不然初也毛血飲茹旣之耕鑿烹飪迨
其後口體嗜慾愛憎事變之不齊大而爲商臣
劉劭楊廣之食父王莽曹丕司馬昭劉裕之食
君食道旣博食味益備率薄海內外風雨神明
千古帝王之奧隲神臯曾不足以樊其圃而籟

其池也悲哉。作豎獸詩。十月二日。清穆齊元化。
神功此恢台。降衷乘沴氣。鼓籥盡羣才。平肩蒙
罽錦。穰穰徧八垓。中有窮奇獸。橫目益怪哉。枯
吻無堅脆。高下入籠裁。猶甘君子腊。茹嚙靡遺
芟。九州風雨隩。根本胡喧阗。訓狐官道立。樹羅
爲之媒。禹鼎中衰久。象物積浮埃。縉雲狂獬逞。
滔滔孰蘆灰。我欲鞭蒼兕。趁茲西日頽。黃鵠下
磯啄。寄語願颺回。

題壁

廿四日停鄭家樓九旬矣。月必兼金，金必先售，
售必七緡，非七緡不受。七緡而不準兼金，亦不
受。準兼金而不輸月，左亦不受。老婆稚婦，笑及
芋末，何足怪。獨怪夫身經百折，囊無一錢，妄揣
昇平，不事贏糧者之夢夢也。翌日徙陳氏別墅，
爲書其壁。螻蟻水落出沙汀。未幾江果見底夢日亭邊
睡未醒，眼底兒曹只醉語。青蛭肘後尚聞腥，投

筆男兒徒勇畧。題橋豎子亦閨情。孤燈坐起千
回笑。鼓打籠銅正五更。

知非堂集

十一月朔日卒業張石初知非堂集典貴炳綬
孔碩肆好洵淹雅君子石初家富墳索早遊燕
秦齊魯其伯氏來初小宰環文瑋質標舉坵壇
而又有與京爲之侄與瞻爲之子敷演鏡暢一
堂攸躋空其瑰爍喬皇汎衍洋溢弘通亡礙也
或曰石初有杜篤之疾故其業耑其學精於戲
使石初而不目賤也將我輩之惘然星眸數白

辯黑不益驚河漢亡極耶巧琢流雲強注丹廿
年風雅怨彫殘筋驚率下雍門泣脉勇誰追蜀
道難紛錯陸離堪翳斗鬱沈搏拊直鳴壇河東
三篋聲緣舊展對編毛粲未闌

東寺楸

楸梓屬于湖東寺一株。蓋百年物也。梢雲側影，
枝交幹盤。梁溪秦吉生駕部客舍其下，作詩二
章寄託道遠。騷屑亡定。一時同人賞和殆徧。余
屏息西陲。吉生襍被過余。酌醴味鹽。促爲步之。
質明而吉生一葦楚天矣。追錄于此。濯影名藍。
割曉昏。中山守戶賴僧存。蒙莊歲擬椿爲孟爾。
雅栢同榎作昆。溜雨苔嘗分衆艷。離霜客自賦。

孤痕縈懷不及清時賞。走馬陳王細與論。千樹
等侯漢史輝。孫枝一幹長僧圍。荆黃質變稱名
舊。角白文分具體微。憇寂柯喬寒佛照。吹愁葉
老動商微。栢梁欂櫨今何在。剩得孤騫與世違。
初十日

天城湖

涉城南舟梁廿五里爲天城湖湖界荆山白馬
二麓間納宜涇南陵溪澗諸漲夏汎秋潦冬竭
春盈魚蝦萑葦之利民用取饒而平波雲影長
堤柳風亦棲真嘉遁者之所耽羈也余宗西崑
河采築廬其側蓋其先與余遠祖均分自華陽
聚族歌哭于此數百年矣籬落風物依稀故園
洗澳獻酬淹留旬日成十韻勞機息修轡投閒

此負暄。半巢營近市。生薄欲回轅。良友懷余寂。
要約赴南邨。南邨臨水築。湖光足朝昏。麥畦遶
屋綠。鱖鯉盈盤飧。風和俗益古。森枝長子孫。然
椽東序立。列座酒成尊。我本江海客。交罕亡風
敦。何期先世澤。松菊徑猶存。愧乏圖書載。共茲
笑語溫。廿三日。

初度

禮四十彊而仕古者上壽百中亦耄耋杖國杖鄉比比然後世人機巧天亦從而刻覈五十旣階引年匪躁何者薜華螭蛄事易盡也余生于萬曆乙卯距今四十倘天眷其長躋而至六十七十爲日萬有八百耳而蝨斯不賡半通輒挫日累月積倏忽踰涯猶僅以單傳子軀束縕挈瓶仰息江上則爲悲孰有大于今日者當年悔

不學蘇耽

余舊分
巡郴州

四十而今顧影慙。初服心知

無束帶。高春事肯爲停驂。虛將短髮酬滄海。那
有閒情飲菊潭。同是商瞿還自笑。木奴千樹陋
湘南。鵬月十三日

小除

廿四日庚辰小除余徙南湖凡三日庭館庖湏起居差寧卧念先人攢址積垢灘江雖饗祀灑掃或不乏人而捧羹秉甕擎蹠肅將者誰也中懷踴躍徬徨竟夕爰截豕削魴芼以荇菰跪而陳之詩曰久客亡常祀感時一啟滕豚肩聊置七麥飯可揮肱拜起頭昂獨滂沱淚落層猶嫌蘋藻薄何以慰高曾聞說小除候驚心又倚樓

瓶花簪綠萼。羹鼎薦槎頭。廣柳何年載明。煙雨
地。修雙麻。窮萬里。此地是并州。

乙未上日

除夕守歲南湖五夜方就寢。比曉稷雪細雨人語雞聲。童子潔几布緝以待。鼯呼未聞也。長安此日忍凍勞勞。視此偉長不烟火神仙耶。蛩然人語鬧從容。隔舍砵訇爆竹重。手炷松肪聊格遠。拜憑蒲縛遽稱恭。占年且看農家曆。揣分還安隱者筇。自是村南縣榻好。等閒容易賦歌鐘。

王冕

會稽王冕攜妻孥隱于九里山種豆三畝粟倍
之樹梅花千桃杏居其半芋一區韭薤各百本
引水爲池種魚千頭結茅廬三間自題爲梅花
屋嘗倣周禮著一書秘不使人觀曰我未死持
此遇明主伊呂事業不難至也上下數千載留
覽史冊佐命隱淪何患亡才而獨餘渭水赤松
嚴灘華山數等倫輩得以表見遇不遇信不可

以巧力爭。王冕信非自欺欺人者。余舊書青田
冊子。頗核而真。附錄于此。中原鼎沸。已難支。石
抹宜孫策更奇。海國亡。成人。事變渡江。劣得帝
王師。遘會乘機。亦偶然。間來曾著郁離篇。真人
崛起興江左。竹帛功成龍鳳年。初三日戊子。

彭五郎

廿六日中州李劍湖出其鄉彭五郎八歲草書
示余長條濶幅虎攫龍拏憲廟李文正後再見
也五郎尊甫禹峯登崇禎庚辰進士魁碩博洽
饒幹濟畧飲可盡數斗余以庚寅陽月見之于
清湘巨羸脅屈不勝力丰標掩映迄今如昨而
又有直公爲之子南陽名都天生非偶豈徒官
奴家雞誇長題鴟辯郎乎哉喜爲歌之秦漢規

時變隸真典。午相沿妙入神。肥瘦爭嗤二千載。
古意炤今存。乎人彭郎八歲喜。籠鵝金錯倒薤。
雄擘窠脉。勇繇來本性生。前身智永後東坡。尊
公亦自好魁奇。曾踏祝融讀禹碑。歸來膝上歡
笑語。手畫額領盡龍螭。余也浯溪搜磨崖。倦老
風烟酒一瓠。願君蒼鵠翼金微。莫負南陽舊日
陲。

鄒忠介

顯皇帝升遐余鄉負朝野望者無如鄒忠介先生其始以理卿召旣而轉少司寇俱未離田間也賀者僉謂非冢宰不足以當之先生冲退唯唯少間曰趙高邑儕崔在已而先生果總內臺高邑拜冢卿先君每爲余言余妄意前輩撝謙善下往往若此荏苒三十載戎馬關山言笑嬉遨都不憶記今年二月八日偶飲鹽卿劉西佩

三頭語及昌啓兩朝事。璽卿出其文端先生直
閣諸揭手一摺讀之。則力爭左都。非鄒不可拜
揭也。故事都憲與冢卿。遞爲兌轉。時忠介以少
司寇推內。熱者未免借此爲覬覦地。而中亦稍
聞有所變更。使微此揭。百高邑累牘何補。余邑
迄今猶未有知其故者。同朝共事。虛公推賢。自
是人臣分內事。而劉不以之市恩。鄒不以之拜
德。渾淪亡跡。真一時有道氣象。未幾而削者削。

逐者逐狐鼠。晝鳴正士傾。跌皇路繇之而欹矣。
系之以詩帝庭重股肱。巖穴搜遺老。徵書紛沓
出。遶此龍尾道。寒諤推伊人。滿懷堆諫草。曾折
權相威。投荒依仉獠。七十起田間。普天思綺皓。
疏爵總臺端。僉謂得君好。誰知薑桂嫌。鬼瞰謀
顛倒。南昌秉國成。片語回天早。乃拜大中丞。摘
奸如振稿。盛世推賢難。牛驥尚同皁。矧茲珥貂
雄。崇回棄師保。我生苦不辰。好奇恣探討。邂逅

偶先儔。獲覩秘鴻寶。循覽愜昔情。擊節送懷抱。
作歌告同人。中書有焚草。

天問圖

三月上巳日。于湖蕭尺木餉余離騷天問圖一冊。圖割騷句句貌方幘。衣稜容止。忠回聖狂。生動逼古。尺木書讀等身。著作如林。出其餘爲繪事。亦窮神極化。妙絕等倫。是蓋作易者其有憂患而靈均妙手苦心拂拂十指尖也。爲賦一章。鑄鼎當年想貢金。東遷誰復憶銷沈。丹青楚廟猶存古。縑素蘭陵喜嗣音。圖就龍蛇悲沴氣。難

看鬼魅笑癡心滔滔天意真難問。撫卷蒼茫起
算吟。

和陳

初十日微雨荒祠。叩須亡聊。迄丙夜。旋遶佛燈。
不休。探冊得陳伯璣姑山草堂詩。神閒韻老。意。
周。語。圓。讀至家散身如寄。何事之絕類余也。不。
禁腮頰簌簌矣。用爲起句。得二首。家散身如寄。
煩憂憶折轅。看絲玄素變。擇術醫巫尊。徒拾文。
章草。空懷兒女萱。對曉風雨夜。愁絕是湘沅。家。
散身如寄。霏微倚寺門。人烟寒夜漏。佛火足春。

溫小隱難違世中才。媿處禪靜言思未了。遮莫
又朝嗽。

赭山

山橫北郭外。可三里。丹嶂秋空。素雲春靄。梵語
江光。引勝牽懷。尤奇在雨後遙瞻。碧藍一抹。出
十幘紅綃上也。迄春徂夏。士女紛拏。操榼挈壺。
殊爲休暢。負郭纔三里。分幽絕。軟塵丹崖。還似
舊。淺草亦懷新。鈴塔流雲。涇壺觴載月頻。最堪
晴霽望。螺髻鎖秋旻。

禮埵

廿八日禮大報恩寺埵。琉璃九轉礙日吞雲寶。
頂金繩昏曉殊色。自午迄子。禮畢復瞻深歎文。
皇帝功德巍巍。當與此露槃珠網。千萬世焜耀。
真丹也。成三十二韻。坤輿越遠極盛德踵前王。
靈刹開雙闕。相輪表四方。攝齊循左轉。曳履竦。
前蹌。挺拔干霄碧。晶熒射日黃。綺鋪垂豸首。雕。
礎截蟾肪。昨入迷烟藹。廻旋透隙光。行空亡伏。

宮俯級得虛床。初界憑鰲負。載登齊鵠翔。井幹
喬露滴。仙掌金繩昂。鈿砌羅瓊檻。風鈴響壁璫。
塵沙棲陸海。宮闕隱雲房。當夏炎飈變。先秋法
雨涼。蛛絲巢返宇。鳥翮接頑蒼。鍾阜坳堂小。巴
江衣帶長。夕輝平檻落。龕火逐棖煌。灼爍連星
紀。依微閃貝裳。百枝圍紺象。九道映紅牆。梵聲
衲子細。跏座老僧強。展拜勤脂帝。觀瞻想聖皇。
錙銖皆締造。甃瓦盡恢張。匠氏程材巧。工官選

選勝良。長千名舊里。阿育啓新場。福果歸慈孝。
慧鐙續晉梁。梯航奔萬國。頂拜集遐荒。瞻部得
曾有。真丹可不亡。我來雖豁目。事去幾回腸。古
殿積苔蘚。豐碑頽穎鐸。丘園彫老幹。鞞鞅繫枯
泮。不共頭陀語。難窺舍利藏。吞聲咽寶地。叉手
問珠囊。幅夏思函蓋。普天肯混茫。方諸適縮朒。
左个在青陽。

秦淮

五日汎秦淮。絃索簫鼓。艷妝明眸。紛來沓去。其
中豈亡才女名士。足當盼睐。然大都飛舸軒渠。
多分是屋角金字馬曹等輩。居勝耳。書寄倪閻
公。張青子。八代風華地。層樓夾水開。沾綃疑浪
沫。惹露是香埃。歌版衝流出。鐙船接岸來。莫賡
桃葉句。誰是獻之才。

阜角林

紹興中金亮南侵。劉錡自淮回禦。時亮將高景
山以十萬衆擣瓜步。錡伏兵阜角林。斬之余鄉
楊誠齋詩。水漾風霜冷客襟。苔封戰骨動人心。
河邊葉落知何樹。今古相傳阜角林。五月十三
日。盤馬經此。貰酒獨酌。感而追和。單衫白恰馬
鞍。手數青錢下馬斟。皴面老僮遙指點。十年
曾是燕巢林。灌木嚶嚶囀夏禽。江頭鼙鼓正侵

尋南冠拾得亡人要看把姑姑捉細襟

甓社湖

秦郵本邦溝地。亦謂之秦亭。晉史秦陷盱眙。進
圍三阿。唐天后時。李孝逸敗敬業于下阿。悉轄
此流泉百道。垂楊萬株。漁艇雁蘆。眠煙噴霧。少
游所謂環倚萬傾湖。粘天四無壁。陸天錫隔水
人家種楊柳。帶霜鳬雁起菰蒲。是也。余以是月
廿五宿甓社。得七言律一首。編籬貫鯉盡垂楊。
南北風煙受一航。矮屋春晴浮畧約。橫堤夏潦

足鉤鉞。炎天茗熟蓮。顏綠霜候橙。甘蟹剝黃干。
頃慚亡涓滴注。乘槎我欲覓周行。

白田

八寶見唐史。漢曰安宜。白田則又從青蓮從一
兩詩得之。余邑李少司馬梅公寓焉。土膏水沃。
帆轉檣牽。宵旦勞勞。余憇岸西。梵剎凡七日。齒
及邑人李黼臣湖居。真不減桃花武陵。各懷禽
向之志。而司馬浮杯顧余。又未嘗不望故園而
欷歔也。成十五韻。安宜本漢邑。錫名自唐始。重
浸頽四封。官道遵漕汴。土沃魚蝦饒。勺粟成甘

吉司馬自北來爰棲重移軌東家亦隴西珪璧
嗣遺履別業築湖猥湏洞亡一矢霜螯不論錢
嘉蔬堆盤簋援棐寫素心匡坐卽園綺各懷肥
遁思攘袂誰先起丘墓繫遠情桐江

司馬家足
其側

煙水我挹瀧盧清相間不百里棖桷付焰炎雖
存侔垤蟻同是羈旅人五枝余堪比浮糟稱釀
王曲終雜流徵目顧林鳥悲一洗伯牙耳六月
初四日

厚地述答

厚地之數其下二十億萬里得潤澤潤澤下二十億萬里得金粟澤金粟澤下二十億萬里得金剛鐵澤金剛鐵澤下二十億萬里得水澤水澤下八十億萬里得風澤風澤下五百二十億萬里乃天地綱維制使不陷者也。視此則三千六百軸河圖括象尚屬臆說但未審綱維不陷又安所麗。命侯曰窮極理數必有知者余哂爲

示之空花過眼信虛陳舉世曾無一事真指盡
青丘窮豎亥東西步武更疑人坤載繇來歸厚
德毘藍亦自紀風災縱橫八柱終何有不見東
溟起漲埃十一日書于茱萸溝

廣陵

江都繁艷甲東南。李唐有揚一益二之目。旃蒙
作噩。割剝燔燎。地毛民骨。輦輸一空。山川風土。
亦遽因之而削色。間有存者。旃群。嗟賈盤攫。什
一起。視道上箭瘢刀痕。愴然心目也。得律一首。
譙鼓喧填事已非。竹西歌吹漫沾衣。瓊花再壓
瓊馳穩。御柳新摧輦輅稀。萬戶瘡痍陵谷變。兩
城燈火雁鳬肥。登臨莫問雷塘路。西陌東阡井

印竹杖

卷之四
四十三

留髯堂

樹達十八日辛未

七夕

七月七日上秋毛詩秋日淒淒百草具腓淮南
子春女悲秋士哀哀其時矣揚俗奢色縷甘瓜
饋設亡改天半河鼓未審年來亦齒冷否肇秋
屆茲夕蒸暑尚三庚天路明皎潔空庭積水泓
廣陵多少婦結縷坐搗箏盈盤堆尺五仰視雙
星橫河鼓亦逞色落影炤杯觥經年纔一度得
巧伊誰爭仲容光諸阮犢鼻曬高桁請看猗蘭

殿。雄。彘。此。夜。生。

蜀岡

廿二日。痺暑。枕簟焚灼。巴蜀呂長在治。具肆遨。
晚眺蜀岡。江南諸山。環拱若砥。歐公平山堂舊。
基也。漫坡淺草。馬牧勦兒盤踞傷心。下春返棹。
惟道旁廢圃。菡萏時露。兩枝颺風而已。出郭尋。
山好。披襟亦苦蒸。維舟藉眠柳。愛此波底澄。霎。
時玄雲捲。停杯聊拊膺。蜀岡匝地出。陟彼望蠡。
陵烟鬟隔如几。堂名繇茲稱。顏敗是何載。山川。

尚依馮。遙想蓮百朶。傳觥四座陞。那知餘牧圉。
屈策挺棘矜。運會亡常數。悠悠感廢興。道旁誰
家圃。歲久花因仍。

張崑承

張崑承南州人。倜儻好奇。詩亦爽給流麗。旁通大橫壬遁諸小數。與余同憩興教寺。幾七十日。龕鐙夜月。亡不洋灑淋漓。吐露胸脾也。爲紀其槩。恨是相將晚。難分月上時。談深亡定論。術老得前知。共下英雄淚。不爲兒女悲。涼風穿綵冷。對子夜無疲。八月初五日。

北固樓

廿一日泊潤州。滄江滔莽。鐵甕連綿。昔賢所云。
京口酒可飲。北府兵可用。望而知爲嘉州也。登
樓獨眺。百感紛來。載筆識此。岷峨東下。幾雲程。
鐵甕蕭蕭。倚晚晴。影落滄江。迷古戍。烟寒遠郭。
弔蕪城。相逢但說南。冷水舉世誰談北。府兵獨
客含顰愁未了。捲簾無計貫京清。

錫泉

廿五日棲梁溪。錫山在其西北可三里。上亭下
甃。泉出其中。甘溜湍激。疏成溝沼。誠有如獨孤
及所記。伏湧潛泄。亡汴亡竇。余酌而飲焉。大率
與湘嶠勾漏洞壑諸泉無甚殊。匡廬峽山竟可
比。長絜大。然舉世習而甘之者。循名獵譽。力可
易得。源深流杳。博應亡窮。而又北自燕秦。歷齊
魯。汴雒。以迄楚越。揚益。諸水莫與之京。勢利形

便地使然也。老坡一詩極其斐亶。余亦強效東
輦。抽敘心腹。人各有志。但未若髯之滑稽多雄
耳。膏乳藏茲壑。潛溢赴群澤。曲折隨流轉。匠心
疏嘉脉。南方多秣穀。簸揚鳥羽擇。九投成玉醴。
飛遠如鼓翮。更兼瓶盎儲。織筠籠月魄。一銖落
霜瓷。潑茗齊加額。我行萬里餘。河濟曾揮斥。江
淮清濁間。鳥鹵等尋尺。峽山與匡廬。品題曾割
席。亦有阻遐方。雪竇浸玄液。陸羽所未經。棄擲

不通籍。此泉產靈區。擅名殊踵癘。醺酪亦耽甘。
黃帕耀眼碧。信彼獨貞者。幽巖得自適。坡公詩。
茲山定空中。乳水滿其腹。過隙則發現。臭味同。
一族淺深各有宜。方圓隨所蓄。或爲雲洶湧。或。
作線斷續。或鳴空洞內。雜佩間。渠筑。或流蒼石。
縫。宛轉新鳳促。瓶罍走千里。真僞半相瀆。貴人。
高宴罷。醉眼亂紅綠。赤泥開方印。紫餅艷圓玉。
傾甌共歎賞。竊語笑童僕。豈知泉上僧。浣洗自。

工部

卷四十九

卷四十九

挹。掬。

海虞宗伯

九月朔日壬午調錢大宗伯牧翁于虎丘石佛
房精神渾顯蘊籍宏淵默識強記隨叩而響時
年七十有四指頂小楷日書首楞疏鈔數紙詢
金仙再世真丹重光豈淺見寡聞燭火宵燭者
可耳食窺也賦得一首真丹野火燒焚桐熬足
誰肩肩屢雄五百雲雷開砥柱三千俎豆續龜
蒙鹽梅待發商巖夢草澤權高角里風獨拜牀

頭承塵語逢人枉自說生公

嚴灘

九日繇桐廬溯嚴灘綠嶂青川湍急峰回舟橫
灘渚水中石如困如砧如虎豹蹲如人卧起突
兀一山壁立千仞仰瞰若可垂絙然者釣臺也
峰劈爲兩臺因有東西之名躡磴週歷絕壑縣
巖蕩頤滌襟攷史光釣齊國大澤中三聘不屈
歸畊隱此山固藉光而壽豈真爲投竿地者臺
上石亭一山麓爲祠隔灘則唐方干誅茅地而

宋方鳳瘞謝翱骨處祠亦祀兩人于廡榱桷飄
風烟草棲楣。張魏公詩碑猶存。然皆黽黽狐狄
窟藏也。遊展薦登景懷方新。欲作一詩以紀歲
月。又念千七百年韻子陵者。亦復何限。識不能
破籬壁窠臼間。而徒捃摭舊聞以文吾短。耻斯
甚矣。爲朗誦方正學作鼓枻而去。詩曰。敬賢當
遠色。治國須齊家。如何廢郭后。寵茲陰麗華。糟
糠之妻尚如此。貧賤之交安可倚。羊裘老子早

見機却向桐江釣烟水

來諫垣

蕭山來元成掌垣。經學史函冠絕海內。杜門著書。非儔罕接。其居爲長河頭。密邇西陵。余以是月望七日渡江訪焉。具餐命子縱談信宿。語多未聞不錄也。先製一章志喜。玄亭載酒。又今朝細雨微風。領畫橈地接西陵。還近市門。迎秋水不須潮。黃花晚節英垂健。玉蕊新枝髮尚髫。自是當筵拚酩酊。莫辭絳蠟夜殘燒。

叩竹杖

卷之四

五十三

留髮堂

山陰汎舟

會稽山川見賞昔賢然僅從脉望腸胃中着眸
而老死不一窺者何限廿日余命楫西陵南極
蒿壩輕舫數晨夕清淺漣漪。渟泓夷猶遠近諸
峰。明秀涓潔。繚目縈心。覺西子湖妍態冶容猶
不離閨閣氣。周城結構地力人巧。曲盡恰當想
見范少伯王右軍輩當年風範。倘天假其便一
椽半艇得厠其側。華屋玉除不與易矣。禹澤通。

溟極長風此不剛。平流滙群潦。娟秀發幽顏。負
壑聳停翠。軒邈若可攀。周城足烟水。縈岫如屈
鬟。緬想前人跡。開鑿多勞艱。依然呈天巧。匪資
剗刻頑。鼉梁信弔詭。嘉遁喜茲閒。勿云明聖所。
較之殊妖嫺。

天台

陶隱居真誥。台山高一萬八千丈。周廻八百里。
余從筠籃度之。烟霞縹緲。黛碧噴岬。信雲駢霍。
馭延佇處也。廿九日。經始赤城。踰佛隴。度石橋。
徘徊國清三峽。晝壤僻山。殘遊屐益。鮮山僧見。
余時服炫裳。深自悔匿。所謂桐柏金庭。玉霄華。
頂望中約畧。領之而已。何年巨靈手。劈此丹嶂。
奇玉京迷瓊草。佛隴接遙枝。盤陀踰磴遠。夾巖。

卧蒼螭。莓蘚積埃綠。轉溜激雪池。捫蘿循溪響。
海風吹晴漪。鐘聲斷續出。云是僧律儀。豐干昔
饒舌。荒院今容誰。瞻彼青冥上。玄猿倚洞窺。塵
纓信不到。化城思何爲。摘此詭殊服。濯肌謝芳
蕤。十月朔二日壬子。

武肅世家

十八日瞻吳越王錢武肅像。像藏臨海錢氏嫡孫家。橫頰豐頤。紅袍玉帶。朱梁物也。忠懿文僖各有像。衣綾丹碧。宋製工繕。迄元亡。仕者像亦不載。鐵券則形如覆瓦。錯金鏤書。列爵盟伐。國初大封功臣。借資考核。龍門青田諸君子俱製詩榮之三事。云是周成王賜饗錢鏐者。中如鼎。分兩層。隻手可舉。左右各一事。體如瓶。與鼎爲

三薄質瑩章光。勲可鑑底篆東澗。二字厥孫鍾。
珍置几駢羅。巾袍東階拜而展焉。欣賞彌日。成
十四韻。唐緒墜乾寧。群盜紛垂組。天日秀削成。
孕靈丕昭武。長戟奮海門。金瑤入天府。錫爵開
崇旄。東南資尚父。霸國最勝餘。前驅納疆土。茂
德冠前王。孫枝億不數。鐵券爛如霞。盟鼎稱申
甫。敦彛班剝文。受賜自彭祖。歷年幾百千。煥發
炤人古。載瞻環瑋姿。雙頰映赤黼。累傳亡根髯。

神明同一譜。迄元絕軒裳。忠宋猶良苦。所以際
熙朝。誓書披雲觀。錢郎慎厥微。寶之勝瑤圃。

雁宕

雁宕界樂清平陽二邑爲永嘉諸勝余遊則從黃巖入蓋憲廟中析樂清爲太平地台亦有宕徑斯繇矣佛書爲諾巨那尊者化都宋沈括云祥符間建玉清宮伐山取材諸峰乃現然僧貫休有雁蕩經行龍湫宴坐之句豈非權輿唐季而晉康樂真覲面失之者也山包谷中湖當峰頂奇峭怪削總不出陳謙一記大都盛夏早秋

休暢宜人。雪霰凋嚴。未遍而返。山應嗤我緣慳。
哉。層陰積海隅。遵途挹遠瀑。遲風故泝人。苔石
千尋蠹。修岩悉溜穿。何年成幽獨。巨諾記西辭。
孤光宋始郁。肖形爰錫名。一一難更僕。我欲驅
園丁。貯此便便腹。陟降苦不週。飄發凝霖霖。差
勝謝客兒。鑿山空牢碌。子月初四日。

東越雜咏

委羽山產方石分銖百碎亡不楞者距黃岩僅
十里爲劉奉林遐舉處控霍何年墮翮輕城南
雞犬亦知名丹砂化去遺方石夥粒精勻琢得
成天台道中渡水穿嶂海鯨相膏外牛豕俱履
不借護蹄惜脆意彌慘矣盡日溪山過土毛筠
籠箬裊雜嘲嘈祗緣口腹關心切草屨相將到
豕牢新昌嵎縣悉古剡境筍輿百七十里山圍

平野。溪行其中。洵嘉壤也。清波杏瀉。濯煙鬟。石

骨。峻嶒樹子斑。強上聲口池邊天姥跡。人長

說沃州山。西興渡錢塘。步沙數里。乃得牛車車

行水中。風發潮湧。激項成冰。纍纍琮琤。鞭者無

倦。及舟。又雇而他載矣。駕輓奔輪。強自勝。朔風

吹浪凌。去聲填膺。皮毛剩得誰憐。喘不看華韞

又臂鷹。廿三日書于清波門。

西湖

湖名傾中外。自白傅蘇翰。以迄近代。濡毫和墨。
狀景殆遍。大約遊者。非筆床茶竈。涼燠經年。去
戴塵而出。避月而還。何幾。余命舟重遊。會當隣
警。清波飲馬。他何復望哉。昏鴉接翅。噪西林鼓
楫。催歸水十尋。何處沈寥。喧兩耳。岳王墳上柏
森森。十里風烟鎖。西橋青篙背。指虎沐。遙孤帆
欲落。頻回首。飲馬千群過。寶貂廿八日戊寅。

胥山

臘月初三日宿駱駝峰岩洞透剔臺殿虛寥下
視周城烟井鱗集左江右湖目不停瞬宐其動
金人立馬南來之思也憑高亡盡際雉堞鎖山
輝潮落知風細湖平想月微層臺孤逕遶龕火
萬家圍笑彼雄圖者貪并竟不歸

吳榜錄

漕渠隋大業間疏鑿通龍舟者起虎林盡京口
平河七百里沃壤兩三州白傅以韻語十字該
之余羈吳榜經旬得六首石門春羅織就幅裁
長估客乘舟逐買忙花樣頻誇新製好故園何
處是蠶桑橈李一盞誰澆蘇小墳鴛鴦湖上水
流分行經西郭纔三里老剎臨空鎖紫氣。
有三
寺。鷺脰湖斜炤村烟望裏孤西飛水鳥沒交蘆。

舟人指點前行處。今古相傳鷺脰湖。楓橋七里
城闌夜不禁。柁樓高枕月華侵。水晶簾戶紅
火女伴呼么賭。臂金毘陵遶郭淪。漣水一灣寒
風吹露溼。扁鵲女墻月炤千尋白。弔古能亡罵
伯顏。蒜山江潯屹立濺飛濤。瑜亮聞登此計曹。
暝色海門光一點。平明毳帳比山高。望日錄寄
鄔沂公。

返南湖

廿一日辛未返南湖。垂橐經年，冒雪歸里。倅人
孱不勝也。宿汪梅村，停杯書此行役。輕千里，相
看半食貧。經年嘗作客，卒歲欲逢人。夜雪蓬茅
皎，更風林酒親。歸裝孤劍在，羞向里門陳。